

Uredbu o zahtjevima za sljedivost klica i sjemena namijenjenog proizvodnji klica*

Uredba je objavljena u "Službenom listu CG", br. 108/2026 od 24.7.2026. godine, a stupila je na snagu 1.8.2026.

* U ovu uredbu prenijete su Implementirajuća Regulativa (EU) br. 208/2013 od 11. aprila 2013. o zahtjevima za sljedivošću klica i sjemena namijenjenog proizvodnji klica/Commission Implementing Regulation (EU) No 208/2013 of 11 March 2013 on traceability requirements for sprouts and seeds intended for the production of sprouts

Implementirajuća Regulativa Komisije (EU) 2020/2235 od 16. decembra 2020. o utvrđivanju pravila za primjenu Regulative (EU) 2016/429 i (EU) 2017/625 Evropskog parlamenta i Vijeća u pogledu obrazaca certifikata o zdravlju životinja, obrazaca službenih certifikata i obrazaca certifikata o zdravlju životinja/službenih certifikata za ulazak u Uniju i premještanja unutar Unije pošiljaka određenih kategorija životinja i robe i u pogledu službenog certifikovanja u vezi sa takvim sertifikatima i o stavljanju van snage Uredbe (EZ) br. 599/2004, provedbenih uredbi (EU) br. 636/2014 i (EU) 2019/628, Direktive 98/68/EZ i odluka 2000/572/EZ, 2003/779/EZ i 2007/240/EZ

Predmet

Član 1

Ovom uredbom utvrđuju se pravila o sljedivosti serija klica i sjemena namijenjenog za proizvodnju klica.

Primjena

Član 2

Ova uredba ne primjenjuje se na klice obrađene postupkom kojim se uklanjaju mikrobiološke opasnosti i koji je u skladu sa posebnim propisima.

Značenje izraza

Član 3

Izrazi upotrijebljeni u ovoj uredbi imaju sljedeće značenje:

1) **klice** su proizvod dobijen klijanjem sjemenki i njihovog razvoja u vodi ili drugom mediju, ubran prije razvoja pravih listova i predviđen da se jede cijeli, zajedno sa sjemenkom;

2) **serija** je količina klica ili sjemena namijenjenog proizvodnji klica, istog taksonomskog naziva, koja se otprema iz istog objekta na isto odredište istog dana pri čemu jedna ili više serija mogu činiti pošiljku, međutim sjemenke različitih taksonomskih imena koje su pomiješane u istom pakovanju i za koje je predviđeno da kličaju zajedno i njihove klice takođe se smatraju jednom serijom.

Zahtjevi sljedivosti

Član 4

(1) Subjekat u poslovanju hranom dužan je u svim fazama proizvodnje, prerade i distribucije da se u evidenciju upisuju sljedeći dodatni podaci o serijama sjemena namijenjenog proizvodnji klica odnosno o serijama klica.

(2) Subjekat u poslovanju hranom obezbjeđuje da se podaci potrebni za dokazivanje usklađenosti sa zahtjevima utvrđenim ovom uredbom dostave subjektu u poslovanju hranom kojem se isporučuje sjeme ili klice i to:

- 1) tačan opis sjemena ili klica, uključujući taksonomski naziv biljke;
- 2) volumen ili količina isporučenog sjemena ili klica;
- 3) ako je sjeme ili klice otpremio drugi subjekt u poslovanju s hranom, ime i adresa:
 - a) subjekta u poslovanju hranom koji je otpremio sjeme ili klice;
 - b) pošiljaoca (vlasnika), ako je različit od subjekta u poslovanju hranom koji je otpremio sjemene ili klice;
 - c) ako je sjeme ili klice otpremio drugi subjekt u poslovanju hranom, ime i adresa:
 - subjekta;
 - pošiljaoca.

- d) ime i adresa subjekta u poslovanju hranom kojem je otpremljeno sjeme ili klice;
- e) ime i adresa primaoca (vlasnika), ako je različit od subjekta u poslovanju hranom kojem je otpremljeno sjeme ili klice;
- f) referentni broj kojim se identifikuje serija, prema potrebi;
- g) datum otpreme

(2) Podaci iz stava 1 ovog člana mogu se upisivati u evidenciju i slati u bilo kojem primjerenom obliku, pod uslovom da subjekat u poslovanju hranom kojem se isporučuje sjeme ili klice može do njih lako doći.

(3) Subjekt u poslovanju hranom dužan je da svakog dana dostavlja podatke iz stava 1 ovog člana, a evidencije iz stava 2 ovog člana moraju se ažurirati jednom dnevno i čuvati kako bi bile dostupne dovoljno dugo nakon što se može pretpostaviti da su klice potrošene.

(4) Subjekt u poslovanju hranom dužan je da bez odlaganja dostavlja podatke iz stava 2 ovog člana organu uprave nadležnom za bezbjednost hrane, na njegov zahtjev.

(5) Zahtjeve za odobravanje objekata u kojima se obavlja djelatnost proizvodnje klica propisuje organ državne uprave nadležan za poslove poljoprivrede.

Zahtjevi za sljedivošću za uvezeno sjeme i klice

Član 5

(1) Pri uvozu, pošiljke sjemenja namijenjenog proizvodnji klica i pošiljke klica prati sertifikat izdat u skladu zakonom kojim se uređuje zdravlje životinja i zakonom kojim se uređuju službene kontrole.

(2) Subjekt u poslovanju hranom koji uvozi sjeme ili klice čuva sertifikat iz stava 1 ovog člana dovoljno dugo nakon što se može pretpostaviti da su klice konzumirane.

(3) Svi subjekti u poslovanju hranom koji postupaju sa uvezenim sjemenom namijenjenim proizvodnji klica dostavljaju kopiju sertifikata iz stava 1 ovog člana svim subjektima u poslovanju hranom kojima je isporučeno sjeme sve dok predmetno sjeme ne primi proizvođač klica.

(4) U slučaju kada se sjeme namijenjeno proizvodnji klica prodaje tako da se pakuje u maloprodaji, svi subjekti u poslovanju hranom koji postupaju sa uvezenim sjemenom dostavljaju kopiju sertifikata iz stava 1 ovog člana svim subjektima u poslovanju hranom kojima je isporučeno sjeme sve dok se predmetno sjeme ne upakuje za prodaju na malo.

Prestanak važenja

Član 6

Danom stupanja na snagu ove uredbe prestaje da važi Uredba o zahtjevima za proizvode biljnog porijekla (klice) ("Službeni list CG", broj 6/18).

Stupanje na snagu

Član 7

Ovaj uredba stupa na snagu osmog dana od dana objavljivanja u "Službenom listu Crne Gore".

Broj: 11-011/26-2824

Podgorica, 9. jula 2026. godine

Vlada Crne Gore

Predsjednik,
mr **Milojko Spajić**, s.r.